

DISPUTATIO MEDICA
IN A U G U R A L I S
D E
VERA PLEURITIDE,

Q U A M,

DIVINO FAVENTE NUMINE,

Ex auctoritate Magnifici Rectoris,

D. HERMANNI van HALEN,

S. S. Theologiæ Doctoris, ejusdemque Facultatis in Inclytâ Academiâ

Ultrajectinâ Professoris Ordinarii, Verbique Divini ibidem in

Ecclesiâ Præconis,

N E C N O N

Amplissimi Senatus Academici consensu, Nobilissimæque

Facultatis M E D I C Æ Decreto,

P R O G R A D U D O C T O R A T U S,

Summisque in M E D I C I N A honoribus & Privilegiis ritè, &
legitimè consequendis,

Eruditorum examini submittit

H E N R I C U S C H R O V E T, Transmosanus

Ad diem 19. Junii, horis locoque solitis.



T R A J E C T I ad R H E N U M,

Ex Officinâ F R A N C I C I H A L M A, Academiæ

Typographi, c1o Io c LXXXIX.

Doctissimis Amplissimisque
VIRIS,
D. HENRICO
CHROVET,
In Ecclesia Ulnensi, Ortodoxæ
Religionis Ministro Fidelissimo
Patri meo, Filiali Amore Co-
lendo & Honorando.

D. WARNERO
CHROVET,
In eodem loco Medicinæ Doctori
Celeberrimo, Fratri meo Cha-
rissimo, omnique reverentia
prosequendo.

Has Theses Inaugurales Dedicat,
HENRICUS CHROVET,

Auctor.



DISPUTATIO MEDICA

INAUGURALIS,

DE

VERA PLEURITIDE,

THESIS I.



Inter affectus Humanum genus, frequenter inuadere Solitos, Pleuritis haud ultimum sibi vendicat locum: Quapropter impræsentiarum, pro viribus, de hoc affectu tractare decreui.

I I.

Plerique antequam longius procedant, tam acuratè in Etymologiam nominis indagant, ac si in eâ, totum rei negotium, consisteret. Ego, verò ne in eundem scopulum impingam, eam retro relinquam, ut parum, vel nihil luminis, præsentì lemmati afferentem sed rectà ad pleuritidem sum progressurus, & dicam, esse inflammationem membranæ pleuræ, unius vel alterius lateris, musculorumque ut plurimum intercostalium, cum dolore punctorio & lancinante istius partis, respiratione difficili, tussi, sputo plerumque sanguineo, febris acutâ continuâ cum omnibus suis Symptomatibus, inferius ostendendis.

I I I.

Dividitur hæc inflammatio, 1^o. in Anticam, 2^o. in Posticam, 3^o. in Supernam, 4^o. in Infernam, & denique, 5^o. in dextram & sinistram & pro diversitate loci varia sortiuntur nomina. Sed cum hæc varietates locorum non mutant, Essentiam morbi, parum solliciti erimus, an illa sit Antica vel postica &c. quia hæc omnes unam eandemque causam agnoscunt.

A

IV. Ab

IV.

cl. Ab auctoribus, variae hujus affectus species notantur, sed quia pleraque earum vix pleuritidis nomen merentur, illas datâ opera prætermittam, retinendo tantum eas quæ dicuntur vera & spuria, sed ultima etiam parvi est momenti respectu prioris, quoniam a flatibus sæpissimè circa & intra partes conclusis, transpirare non valentibus ortum ducit, qui statim in unam, statimque in aliam partem currentes dolorem vagant & distensionem efficiunt. Nulla tussis, nulla materiæ cruentæ expectoratio, nulla etiam febris ad est, aut saltem si ad sit, participare non videtur de ejus essentia, quibus Phænomenis à verâ pleuritide dignoscitur.

ci Vera autem pleuritis, de quâ (ut in Thesi prima dictum est) animus est differere, facile potest adhuc dividi in simplicem & compositam. In compositam, Ubi pleuritidi conjuncta, est, peripneumonia, inflammatio mediastini &c. in simplicem verò, ubi hæc illi non adjunguntur.

V.

cl. His ita perspectis, ad causas me accingam. Causa autem proxima istius inflammationis, est sanguis, quocumque modo (copia saltem mediocri) extravasatus & stagnans, qui intestina partium suarum fermentatione, excandescere incipit. Hæc excandescencia, ex eo oriri puto, quod particulae sanguinis stagnantis & extravasati spirituosiores & volatiliores, paulatim avolantes, salinae & acidæ ejusdem sanguinis particulae, ab iis involui solitæ acrius inter se pugnant, huncque effectum producant: quamvis non negem, materiam mundi subtilem, indefinenter per poros nostri corporis fluentem eam adjuvare, ubi, sc: occurrit meatibus aliter quam naturaliter configuratis & compactioribus, impetum majorem in eos efficit, a quo particulae istius materiæ extravasatae, coguntur e loco suo recedere & diversimodè agitari.

VI.

Quam plurimæ reperiuntur Causæ, cur sanguis extravasetur, 1º. nempe ipse sanguis potest esse in causa, ubi viscosior & glutinosior existit quam oportet 2º. ubi nimis abundat, & 3º. ubi acrior est. vasa 2º. etiam eum dese-

deferentia, causa esse possunt, 1^o. si comprimantur, 2^o. si obstruantur a pituitâ, vel a sanguine in ipsis existente, coagulato, a frigore sc: corpori calefacto superveniente vel ab acido nimis in sanguine, abundante: Unde si unum ex iis accadat, quis (nisi œconomia Animalis omnino ignarus non videt sanguinem extravasari debere.

VII.

Huic affectui producendo, multum conferunt causæ externæ, & prima quæ occurrit, est frigus aeris valdè acutum, 2^a. aer nebulosus & brumalis, itidem frigidus, qualis tempore hyemali observatur, unde, si aliquis (ejus corpore calido existente) sese tali exponat aeri, unusquisque videt, talem aerem præsentî nostro morbo, ansam præbere posse, quia ab eo, obstructions in vasis præcipuè capillaribus, quam sæpe producuntur. 3^a. Causa, est aqua corpori inspersa, 4^a. alimenta viscosa & glutinosa, acida & austera item & acria. 5^a. Exercitia insolita. 6^a. Ictus aliqujus rei duræ & obtusæ, lapsus in latus &c. quas omnes enarrare, nimis longum foret.

VIII.

Difficultas hinc suboritur: cur v. g. inflammatio sæpius in membrana thoracem intrinsecus cingente producat quam in alii partibus membranosis & similibus adstantibus?

Ad solvendam hanc difficultatem, dicam, quod commune est partibus membranosis & similibus, poros, respectu aliarum partium carnosarum &c. habere angustos & solidos, unde, si sanguis a quacumque causâ extravasetur, illis in locis, cui nisi omnino rudi non est manifestum sanguinem potius in membranâ notatâ quam in partibus carnosis, stagnare?

IX.

Inflammatione sic explicatâ, progrediar ad enucleationem symptomatum, inter quæ, primò mihi occurrit dolor punctorius & lancinans. Dolor hic ex eo oriri arbitror, quod a cerebro multa oriuntur filamenta quibus nervi componuntur qui sp. Animalibus replentur, & per totum nostrum corpus disperguntur, talique modo positi sunt, ut simul ac solito

vehementius titillentur & commoveantur, adeo ut rumpantur, vel ruptionis periculum minentur, ope istorum nervorum sp. animalibus refertorum, oritur in cerebro tristis idea, quæ nomine doloris venit: unde luce meridiana clarius est a particulis acidis & salinis istius sanguinis extravasati & stagnantis, spirituosæ & volatibus ex parte, privatis, salinis &c. temperare solitis, impetum, fermentando inter se, in hanc membranam facientibus, vel a sanguine ipso copia satis mediocri, effuso nimis distendente partes, inter quas existit, ita ut disrumpantur &c. oriatur dolor pro varietate humorum & particularum, plane varius.

X.

Respiratio difficilis secundo sese offert, quæ triplicem agnoscit causam. Prima est, angustia pectoris a tumore, in pleurâ propter inflammationem, suborto. Secunda, sunt muscoli intercostales istius partis in munere suo, læsi. Tertia, & præcipua in metu doloris qui ab expansione pulmonum, percutiendo partem inflammata, oriretur, collocanda est.

XI.

Tussis autem, quomodo producat, ex nostra hypotesi intelligi facile potest: nam omnibus satis notum est, tussin causari ab eo quod aptum est vellicare & irritare pulmonum parenchyma, hoc dicto, meridiana luce manifestius est, quod sanguis fermentando, continuo particule ab eo separantur, quæ penetrantes per poros membranæ pleuræ, licet angustos, occurrentesque nostro parenchymati valde sensibili illud irritant & ad tussindum exitant.

XII.

Explicationem horum magis extendens, sputatio sanguinea mihi obviam venit, quam plerique a membranâ pleura vel musculis intercostalibus, provenire putant: sed propter viam denegatam & a nullis Anatomicis adhuc repertam, hanc opinionem sequi, mihi cordi non est; Verum dicturus sum, eam fieri a tussi vehementi, cujus ope, vasa aliqua capillaria sanguifera disrumpuntur & dilacerantur, qua disreptione cruenta sputatio sequitur.

XIII. Ex

XIII.

Ex Symptomatibus pleuritidis ferè semper comitibus, restat febris continua &c. quam etiam ex prædicta hypotesi deducere conabor. Omnibus satis notum est, per universum nostrum corpus, & in quascunque partes, vasa sanguinea, disseminari quorum aliqua parti inflammatae vicina, aliquas particulas, ex eodem loco fermentationem præternaturalem, excitare, aptas, salinas sc. & acidas temperantibus privatas (ut Thesi nona patet) secum deferunt, quæ ad cor delatae necessario eandem efferuescentiam tamdiu produere debent, ac novæ, nec temperatae ex eodem loco venientes sanguini commiscebuntur. In hac præternaturali effervescentia hujus febris essentiam consistere, mihi verisimile videtur.

en / e /
Λ c /

XIV.

Symptomatis affectus nostri, sic deductis, paucis alia symptomata februm continuarum in dividua evoluam sc. Pulsus celeriores, dolores capitis, sitim, & vigilias.

Si memores simus eorum, quæ in Thesi præcedente dicta, sunt nempe Vasorum sanguineorum partibus inflammatis vicinorum, facile nobis patebit, ab iisdem particulis sanguini permixtis, pulsus celeriores produci: Dum enim hæ particulae in corde fermentantur, cordis fibrillas valde irritant, à qua irritatione, major solito fit sp. Animalium affluxus, qui cor ad subitam sui contractionem promovet, & celeriores pulsus efficit.

Sanguis porrò, eo modo rarefactus, & ad cerebrum delatus, vasa sanguinea, valde distendens, præmit fibrillas cerebri & meningum, vel particulae acidæ & salinae, harum spirituosae &c. exhalatis, eas fibrillas irritant, & dolores capitis causant. Sitim autem produci, ex defectu humidi in corpore probabile est, nam sanguis noster in corde plus solito efferuescens, nimiam humidi dissipationem efficit, unde sanguis mollibus aquae particulis fere orbatus, solivam minori copia sed sale valde impregnatam progignit. Hoc pacto igitur lingua, fauces, & cæteræ oris partes, præ defectu liquidi soliti, arescentes, & à sale abundante insuper vellicatae confusam ideam, quæ sitis nomine venit, in mente excitant.

g / e /

a /

Denique vigiliae producuntur à sp. Animalibus, copia nimia in cerebro abundantibus, ut & etiam à dolore.

XV.

Eventus hujus morbi in genere est periculosus, minus tamen ubi simplex est morbus, quam compositus, minus recens, cæteris paribus, quam inueteratus, minus ubi expectoratio post quatuor quinque nedies succedit quam tardius, minus ubi in abscessum non mutatur, & ubi deliria non ad sunt quam contrà &c. variat etiam eventus, pro ratione Symptomatum conjunctorum, & denique pro diversitate temperamenti, sexus, ætatis, temporis, corporis constitutionis &c. quæ omnia explicare nimis longum foret.

XVI.

Hujus morbi curationem quod attinet, 1^o. venæ sectio satis ampla est instituenda & si necessitas urgeat repetenda, nec refert quo in brachio aperiatur. Ratio, cur sanguis emittatur, est, quod ejus ope, non tantum abstrahitur materia inflammationem adaugere, apta, sed etiam ejusdem ope omnia in corpore fiunt tranquilliora, 2^o. Sanguis ille stagnans & extravasatus temperandus, resolvendus, & perspiratio promovenda, Symptomataque ab eo sanguine producta mitiganda sunt 3^o. causæ omnes externæ vitandæ. Sanguini extravasato & stagnanti conducunt multa medicamenta tam interna quam externa. Interna sunt Rad. contrahervæ, Chynæ, imperatoriæ, Angel. fœniculi, Petro selini Zedoariæ &c. lignum guajacum saffras juniperinum, ejusque Baccæ, quercinum, Buccinum &c. fol. & semen card. bened. mariæ &c. capillus veneris, scabiosa hyssopus &c. Flores Chamemeli, Sambuci, Papaveris erratici &c. omnia salia volatilia, cornu C. vrinæ, salis armoniaci, fuliginis &c. item & salia lixiviosa, ut sal ex stipitibus fabarum fraccini &c. Antimonium Diaphoreticum, Bezoardicum minerale, oculi concri, mandibula lucii piscis, corallium rubrum; lapides prætiosi, lapis Bezoardicus orientalis & occidentalis, dentes aprios de corde Cernu, Cornu Cerni calcinatum, omnia nitrosa, sol & luna minutissimè trita, omnia opiata &c. quæ omnia rite adhibita vim habent resolvendi & acidum concentrandi &c. ex quibus, omnibus pro re nata, vel decocta vel mixturæ, vel boli, pulveres &c. efformari possunt. ut

℞. Aq. fœnicul.

Hysopi aa. ℥ijss.

Ammoni Diaphoret. vel

Bezoard mineral. Div.

Ocul. Concri Diss.

Salis prunellæ Di.

Syrup. Papaveris Rheados ℥i.

Misce

Hujus mixturæ capiat æger cochlearia duo vel tria, vel amplius ut sudor levis erumpat in lecto bene tectus, eodemque modo continuet seq. diebus, bis in die, donec tota sit assumpta. Vel

℞. Antimon. Diaph. ℥iss.

Ocul. Cancræ ℥i.

Corall. rubror præparat. vel

Margarit. Diss.

Fiat pulvis minutissimus in sex doses dividendus, quarum duas, singulis diebus capiet ægrotus, mane & vespere, sudoremque ut antea, in lecto tegumentis benè opertus, præstolabitur.

XVII.

Interdum tamen, si sitis valdè urgeat, & febris adhuc perseveret, sequens julapium præscribatur per vices assumendum.

℞. Aq. portulacæ.

Card. benedicti a ℥ij.

Nitri purificati ℥ss.

Syrup. violar. simplicis

Portulacæ aa ℥ss.

Misce.

Post hæc medicamenta quadriduum vel paulo ditius assumpta si expectoratio sponte non procedat & tussis remaneat, ad has adjuvandas, Apozema sequens est præscribendum.

℞. Rad. imperat. ℥iij.

Enflæ campanæ in thaleolas dissectæ ℥ss.

Altheæ ℥i.

Herbar. Hysopi.

Card. benedicti aa M. i.

Limat.

Limat. Corni Cerpi ʒvi.

Ficum pinguum no. vi.

Passul. exacinator. ʒi.

Flor Papaveris errat. pugil. iij.

Glysirrisæ rasæ ʒß.

Contundantur quæ contundi debent & coquantur in aq. hordei sufficiente quantitate ad colat. ʒxxx. Colaturæ adde syrup. hyssopi hæderæ terrest. a ʒi. de quo, capiat æger aliquando haustulum.

XIX.

Si autem alius sit valdè constipata, aliquod enema emolliens, ex malua, bis malua, floribus Chamemeli, sale gemmæ, vitellis ovorum, lacte bubulo &c. vel suspositoria, ex alumine crudo, candelâ sebaceâ, rad. Betæ rubræ &c. concinnata, applicari possunt.

XX.

a Externa vero medicamenta, quæ parti dolenti imponi possunt sunt 1^o. facculi, qui ex milo, floribus Chamemeli, sambuci, Papaveris, calcinato sale, arenâ calefactâ conficiuntur. Cataplasmata ex nidis hyrundinum, fursure, farinâ fabarum, in lacte cocta, adjecto sp. vini campharato &c. Emplastra de Baccis Lauri, de spermate cæti, de spermate ranarum, de labdano inguent. album Camphoratum, cæratum de cumino &c. conducunt etiam omnia linteamina calidè applicata, & imprimis quæ primum à lotionibus veniunt, ex quibus pro lubitu unusquisque unum seligere poterit.

XXI.

u Causis externis succurritur, mutando aerem frigidum in calidiorem, nebulosum, & brumalem etiam frigidum, in serenum arte vel natura Calidiorem, factum, reiiciendo alimenta viscosa glutinosa &c. & earum loco fumendo magis aromatica, facilisque distributionis, exercitia sunt modiora &c.

XXII. His

XXII.

His peractis ad reliquias morbi è corpore eliminandas purgans sequens, *n/*
vel simile præscribatur v. g.

Resp. *Extracti Catholi.* gr. xv.

Aloci rosata ʒß.

Trochis. Alhómd. gr. vi. *a/ m/*

Mercurii dulcis gr. vii.

Diagrid. gr. ix.

Misce

Fiant pillulæ septem, unâ vice devorandæ, superbibat ægrotus post se-
qui horam aliquod Jusculum.

XXIII.

Materia autem inflammationem causans, si non auscultet medicamentis
præscriptis, sed è contra abeat in abscessum (qui abscessus producitur ex
eo, quod sanguis ille stagnans & extraniatus, diutius fermentando, ejus
particulæ, longiore mora acres & corrosivæ evadunt, quibus, fibræ par-
tium inflammatarum adjacentium dilacerantur & exeduntur, & in cincin-
nos resiliunt, quapropter humores Circulantes & nutritioni inservientes,
coguntur illo in loco stagnare, & tumorem efformare) danda est opera,
ut arte, si non sponte foras promineat, postea apto instrumento, ape-
riendus, & materia per vices evacuanda, convenientibusque medicamen-
tis detergendus & consolidandus. *n/*

F I N I S.

COROL

COROLLARIA.

I.

INter succum pancreaticum, & bilem dari naturaliter efferuescentiam. Neg.

II.

Sed inter ventriculi acidum & bilem. Aff.

III.

Venæ & Arteriæ sunt continuæ.

IV.

Lac in Mammis ex sanguine non generatur, sed ex chylo.

V.

Ossa pubis, ab invicem disjungi, in partu, Neg.

VI.

Contraria, contrariis non semper curantur.

VII.

Sublatâ causâ non semper tollitur effectus.

F I N I S.